

Жорий йилнинг 29 мартига мамлакатимиз тарихига юлт муҳим ижтимоий-сиёсий воқеа — Ўзбекистон Республикаси Президенти сайлови янги ижтимоий-қўшма ҳуқуқий шароитларда бўлиб ўтди. Сайловнинг дастлабки натижаларига кўра, Ислоҳ Каримовга 17 миллион 122 минг 577 фуқаро ёки сайловчилар умумий сонининг 90,39 фоизи, Аҳмад Саидовга 582 минг 688 киши ёки сайловчиларнинг 3,08 фоизи, Ҳотамжон Кетмоновга 552 минг 309 киши ёки сайловчиларнинг 2,92 фоизи, Наримон Умаровга 389 минг 24 киши ёки сайловчиларнинг 2,05 фоизи овоз берган.

Ўзбекистон Республикаси Президенти сайлови миллий сайлов қонунчилиги ва халқаро ҳуқуқнинг умумэтироф этилган демократик принципларига тўла мувофиқ ҳолда ўтди. Марказий сайлов комиссияси маълумотларига кўра, овоз беришда 18 миллион 942 минг фуқаро, яъни сайловчиларнинг 91,08 фоизи иштирок этди.



Халқимиз сайловда Ўзбекистоннинг тинчлиги ва барқарорлиги, тараққиёти ва ёруғ келажаги учун овоз берди

Табийки, ушбу салмоқли рақамлар Президент сайлови мамлакатимиз келгуси тараққиётини, юртимизда ке- чаётган демократик ислохотларни изчил давом эттириш ҳамда ривожлантиришнинг гоят муҳим омили эканини чуқур англаган фуқароларимиз ўзларининг юксак сиёсий савияси ва Ватанимиз тақдирига дахлдорлик туйғусини намойиш этиб, сайловда фаол қатнашганидан далолат беради. Бинобарин, сайлов кампанияси давомида мамлакатимиз фуқаролари ўз хоҳиш-иродасини эркин билдириши учун ҳуқуқий, ташкилий, ташвиқий, шунингдек, мониторинг соҳаси-

да барча имкониятлар яратилди. Бу ҳақда сўз борганда, авваломбор, мустақиллик йилларида мамлакатимизда амалга оширилган изчил ислохотлар самарасида демократик талаблар ва умумэтироф этилган халқаро стандартларга жавоб берадиган, фуқароларнинг ўз хоҳиш-иродасини эркин ифода этишини кафолатлайдиган миллий сайлов тизими яратилганига эътибор қаратиш мақсади мувофиқ, Зотан, Ўзбекистоннинг миллий сайлов қонунчилиги ва амалиёти — кенг қўламли ва тизимли демократик ислохотларнинг узвий таркибий қисми ҳисоб-

ланади. Кейинги йилларда миллий сайлов тизими халқаро ҳуқуқ андозалари ва талабларига ҳамда илғор хорижий тажрибага мос ҳолда янада таркибий яқинлаштирилди. Сайлов арафасида "Ижтимоий фикр" жамоатчилик фикрини ўрганиш маркази ўтказган ижтимоий сўров натижалари фуқароларимизнинг аксарияти ўзининг сайлов ҳуқуқлари ва "Ўзбекистон Республикаси Президенти сайлови тўғрисида"ги қонун ҳақида етарлича маълумотга эга эканини кўрсатди. Сўров иштирокчиларининг 91 фоизга яқини Ўзбекистон Республикаси Президенти

миллий қонунчилигимизга мувофиқ беш йил муддатга сайланишидан хабардор. Улар миллий қонунчилигимизга киритилган ўзгариш ва қўшимчаларнинг мазмун-моҳиятини ҳам яхши билади. Президент сайлови Ўзбекистон Республикасининг Конституцияси, "Фуқаролар сайлов ҳуқуқининг кафолатлари тўғрисида", "Ўзбекистон Республикаси Президенти сайлови тўғрисида", "Ўзбекистон Республикаси Марказий сайлов комиссияси тўғрисида"ги қонунларда белгилаб қўйилган нормаларга тўла мувофиқ ҳолда ўтказилди. Бу борадаги демок-

ратик анъаналарнинг умумий, тенг, адолатли, яширин, эркин, ошқора, масъуллик деган энг асосий тамойилларига қатъий риоя этилганини алоҳида таъкидлаш ўринлидир. Қонунчилигимизда Марказий сайлов комиссияси раҳбарлигида сайловларнинг қонун талабларига тўла мувофиқ равишда ташкил этилиши ва ўтказилишини таъминлайдиган ҳамда фақат қонунга бўйсунадиган мустақил сайлов комиссиялари тизими мустақамлаб қўйилган. Бу — миллий сайлов тизимининг энг муҳим хусусиятларидан ҳисобланади. (Давоми иккинчи бетда)

Iftixor

Куч-қудратимиз, салоҳиятимиз тимсоли

"...Самарқанд шаҳрида ўрнатиладиган ҳайкалнинг дастлабки варианти ҳам ҳозиргидан бироз бошқача эди. Унда соҳибқирон қўлида қилич ушлаган қиёфада тасвирланган эди. Мен бу масалага бағишланган сўнгги муҳокамаларнинг бирида бундай ечимга эътироз билдириб, "Тўғри, Амир Темур давлат бошқарувида ҳарбий кучга ҳам таянган, ammo унинг ўнта ишдан тўққизтасини кенгашу машварат билан, қолган биттасини қилич билан битирдим, деган сўзларини унутмаслик керак", деб, қилични Соҳибқироннинг ёнида, қинига солинган ҳолатда акс эттириш лозимлигини таъкидладим. Чунки шунда унинг сиймосида, мен халқимнинг ҳимояси, юртимнинг мудофааси учун ҳар лаҳзада курашга тайёрман, лекин дунёда тинчлик-барқарорлик ҳукмрон бўлишини истаيمان, деган гоя ўз ифодасини топган бўлар эди".

Самарқанд шаҳри марказида салобат тўкиб турган Амир Темур сиймосига боққанимизда Президентимизнинг "Юксак маънавият — энгилмас куч" асарига қайд этилган ушбу сўзлар ёдимга тушади. Бундай қараш, муносабат давлатимизнинг бугунги сиёсати ҳам тинчлик-севарлик, халқпарварлик ва миллатлараро тотувлик асо-

сига қурилганини англатади. Зеро, инсоннинг куч-қудрати ва салоҳияти унинг ақлу тафаккури, бунёдкорлик ишлари билан белгиланади. Куч — адолатда, билим ва тафаккурда эканлигини тарих ҳам, бугунги дунё цивилизацияси ҳам кўрсатиб турибди-ку. (Давоми тўртинчи бетда)

Qonun ijodkorligi

Инвестиция ва пай фондлари

бу борадаги қонунчилик такомиллаштирилмоқда

Шу кунларда Олий Мажлис Қонунчилик палатасининг депутатлари "Инвестиция ва пай фондлари тўғрисида"ги қонун лойиҳасини маромияга етказиш юзасидан изчил иш олиб бормоқда. Ушбу қонун лойиҳаси Президентимиз томонидан тақдим этилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгилаб берилган устувор вазифалар ижроси доирасида ишлаб чиқилган.

Бу ҳақда сўз борганда, аввало, "инвестиция фонди" ва "пай фонди" деган тушунчаларга аниқлик киритиш мақсади мувофиқдир. "Қимматли қозғалар бозори тўғрисида"ги қонуннинг 23-моддасига кўра, инвестиция фонди деганда, инвесторларнинг пул маблағларини жалб қилиш ва уларни қонун ҳужжатларига мувофиқ қимматли қозғаларга, бошқа инвестиция активларига, шунингдек, банклардаги ҳисобварақларга ва омонатларга қўйиш мақсадида акциялар чиқарилган юридик шахс — акциядорлик жамияти тушунилади. (Давоми учинчи бетда)

Аввало шунини қайд этиш жоизки, Конституцияимизнинг 39-моддасида ҳар ким қариганда, меҳнат лаёқатини йўқотганда, шунингдек, боқувчисидан маҳрум бўлганда ва қонунда назарда тутилган бошқа ҳолларда ижтимоий таъминот олиш ҳуқуқига эга эканлиги белгилаб қўйилган.

Qonun ko'magi

Ноқонуний қарор

суд томонидан бекор қилинди

Юртимизда ушбу конституциявий меъёрнинг амалга самарали жорий этилаётгани фуқароларнинг қонуний манфаатларини таъминлашга хизмат қилмоқда. Қувасой шаҳрида яшовчи Муҳаббатхон Ёқубжонова ҳам ўзининг ижтимоий ҳуқуқидан фойдаланган ҳолда 2010 йилнинг 10 октябрида имтиёзли пенсия

яга чиққанди. Фақат 2014 йилнинг март ойида пенсияси тўхтатилганини эшитди-ю, ҳайрон бўлди. Шу боис эртасига Молия вазирлиги ҳузуридаги бюджетдан ташқари пенсия жамғармасининг Қувасой шаҳар бўлимига йўл олди. (Давоми учинчи бетда)


Insonparvarlik tamoyillari

Инсонийликнинг юксак намунаси

Бағрикенглик, кечиримлилик — халқимизга хос азалий қадрият, инсонпарварликнинг ибратли намунаси ва одамийликнинг ўзига хос ифодасидир. Ота-боболаримиздан мерос бу фазилат истиқлол йилларида жамиятимизда янада ривож топмоқда.

Мамлакатимизда кечиримлилик ва бағрикенгликнинг амалий ифодаси — амнистия актига асосан кўплаб юртдошларимиз жиноий жавобгарликдан ва жазодан тўлиқ ёки қисман озод этилмоқда. Зотан, амнистия акти замирида жазо муддатини камайтириш ёхуд судланганлик ҳолатини муддатидан аввал олиб ташлаш, фуқароларнинг ҳуқуқ ва эркинликларини суд орқали ҳимоя қилиш, билиб-билмай жиноят кўчасига кириб қолган шахсларнинг гуноҳидан ўтиш, уларни оила-си бағрига қайтариб, жамиятдан ажратмаган ҳолда қайта тарбиялашдек эзгу мақсадлар мужассамдир.

Айтиш жоизки, Президентимиз тақдирномасига асосан, Олий Мажлис Сенати томонидан 2014 йил 14 ноябрда қабул қилинган "Ўзбекистон Республикаси Конституцияси қабул қилинганлигининг йигирма икки йиллиги муносабати билан амнис-



тия тўғрисида"ги қарор бағрикенглик ва инсонпарварликнинг амалдаги яна бир тасдиғи бўлди.

Таъкидлаш жоизки, Амнистия тўғрисидаги қарор эълон қилинган кундан эътиборан кучга кирди ва унинг ижроси уч ой мобайнида таъминланди. (Давоми учинчи бетда)

Маълумки, жазо — жиноят содир этишда айбдор деб топилган шахсга нисбатан давлат номидан суд ҳукми билан қўлланиладиган ва маҳкумни қонунда назарда тутилган муайян ҳуқуқ ва эркинликлардан маҳрум қилиш ёки уларни чеклашдан иборат мажбурлов чорасидир.

Huquqiy ma'rifat

Ҳуқуқий таъсир чораси

ЖИНОЯТЧИЛИКНИНГ ОЛДИНИ ОЛИШ ВА ОСОЙИШТАЛИКНИ ТАЪМИНЛАШДА МУҲИМ ЎРИН ТУТАДИ

Миллий қонунчилигимизга кўра, жазо маҳкумни ахлоқан тузатиш, унинг жиноий фаолиятини давом эттиришига тўсқинлик қилиш ҳамда маҳкум, шунингдек, бошқа шахслар яна жиноят содир этишининг олдини олиш мақсадида қўлланилади. Мазкур чоралар жиноят ва жиноят-ижроия қонунчилигида назарда тутилган тартибда амалга оширилади. Ўз навбатида, мамлакатимизда жиноят содир этган шахсларни қайта тарбиялаш, жазони ижро этиш муассасаларидан бўшатилган шахслар томонидан такроран жиноят со-

дир этилишининг олдини олишга қаратилган чоралар тадбирлар ҳам ишлаб чиқилган. Бу ҳақда сўз борганда, аввало, "Жазони ижро этиш муассасаларидан бўшатилган шахслар устидан ички ишлар идораларининг маъмурий назорати тўғрисида"ги қонунни келтириш ўринлидир.

Айтиш керакки, ушбу қонуннинг 4-моддасида маъмурий назорат вояга етган шахсларга нисбатан қандай ҳолатларда қўлланилиши белгилаб қўйилган.

(Давоми иккинчи бетда)

